



Nuummi juulip 14-iat 2008

Inatsisartut suleriaasiat § 36 imm. 1 naapertorlugu, apeqqut ataani allassimasoq Naalakkersuisunut saqqummiuppara.

Naalakkersuisunut apeqqut: Ikaarsaariarnermi ataatsimiititaliat januarillu aallaqqaataani kommunalbestyrelsinngortussat aningaasarsiaannut tunngasut Naalakkersuisut qanoq aaqqiissuteqarfigilersaarpaat?

(Inatsisartuni ilaasortaq Otto Jeremiassen, Siumut)

Tunngavilersuut:

Kommunerujussuanngortussani kommunalbestyrelsenut ilaasortanngortussat akisussaaffimmik mikinngitsumik tiguisussaapput, aammalu kommunissani ilaatigut isorartoqisuni aqutsiuulersussaapput, imminut tikilluni ataatsimeeqatigiittarnissani angalanermut ullorpassuit atortariaqartassallugit.

Taamaakkaluartoq kommunalbestyrelsemi ilaasortaalersussat aningaasatigut atugassaattut siunniunneqartuni ukiumut annikitsuinnarnik akissarsiaqartinneqarnissaat malunnarpoq – tassa ataatsimiititaliani siulittaasuunngikkaanni amerlagisassaanneqisunik aningaasaqartinneqassallutik.

Aningaasatigut taamatut atugassaqartinneqarnissartik pissutigalugu tusarsaalereerput kommunalbestyrelsissanut qinigaagaluartut aningaasatigut annaasaqartarnissartik pissutigalugu ilaatigut tunuarnialereersut tusarsaalereerlutik.

Tamakku tunngavigalugit apeqqut qulaaniittoq apeqqutigaara, ilanngullugulu apeqqutigerusullugu: **Ataatsimiititaliani siulittaasut aningaasarsiaqartinneqartarnerat qimallugu ilaasortaasut assigiimmik aningaasarsiaqartitsilernissaat Naalakkersuisut eqqarsaatigisinnaaneraat?**

Tassani tunngavilersuutigaara aningaasartai pissutigalugit siulittaasunngorniuttarneq qaangerneqarsinnaassagaluarmat, inuit ataatsimiititalianut assigiinngitsunut piukkunnarluartut sulerususeqartullu siulittaasutut inissinneqartalissagaluarmata.

Inussiarnersumik inuulluaqqusillunga

Otto Jeremiassen, Siumut